

Акафист священномученикам Херсонесским

Кондак 1

Избранныи угодницы Божии, святителие и мученицы Христовы - Василие, Ефреме, Евгение, Елпидие, Агафодоре, Еферие и Капитоне, в Херсоне епископствовавшии, всю страну нашу ученьми своими просветившии и землю нашу кровью вашими освятившии, яко имущии дерзновение ко Господу предстательством и молитвами вашими у Престола Божия, от всяких нас бед свободите и пети вам научите: **Радуйтесь, Священнии Отцы, за Христа кровь свою излиавшии.**

Икос 1

Ангели земнии и человецы небеснии, священномученицы седмочисленнии, Престолу Небеснаго Царя и Владыки вселенныя предстоящи, и нас, грешных, на земли сущих, наставляющии, услышите молитвы наша с похвалами, от всея души к вам возносимыя: Радуйтесь, заступницы наши и предстателие у Господа Бога предобрии. Радуйтесь, первозванному Апостолу Андрею ревностнии подражателие. Радуйтесь, по стопам его, освятившим область нашу, шедшии. Радуйтесь, и венцы мученическия, якоже он, стяжавшии. Радуйтесь, безбоязненнии веры Христовой проповедницы. Радуйтесь, мужественнии истиннаго учения исповедницы. Радуйтесь, за проповедание веры и жизни своей не пощадившии. Радуйтесь, души своя за имя Христово положившии. Радуйтесь, во глубины сатанинскаго дерзновенно прийти возревновавшии. Радуйтесь, мрак языческаго многобожия в земли нашей рассеявшии. Радуйтесь, от Солнца правды лучами вся концы ея озарившии. Радуйтесь, и ныне нам благодатным светом своим светящии. **Радуйтесь, Священнии Отцы, за Христа кровь свою излиавшии.**

Кондак 2

Видяще многобожное мучительство идолопоклонства в земли нашей, души человеческия, по образу Божию бывшия, во образ демонский претворявшее, возревновали есте, Отцы Святии, о спасении люте погибавших, и вся красная мира отвергше, бодренно приидосте научити их единому истинному Богу пети: **Аллилуиа.**

Икос 2

Разум совершен стяжавше, идеже возсия мирови свет разума, наченше от Иерусалима, по слову Христову, изыдосте, богомудрии учителяи наши, с вещанием и глаголами жизни вечныя во всю землю, да просветите во тьме и сени смертней сидящих, и пети всех похвальныя песни вам научите: Радуйтесь, велицыи таинники благодатнаго учения небеснаго. Радуйтесь, сосуди избраннии, в нихже хранятся глаголы живота вечнаго. Радуйтесь, умы, светом евангельским просвещении. Радуйтесь, и сердца ваша истинным ведением исполнившии. Радуйтесь, совершеннии человецы Божии, на всякое дело благое уготованнии. Радуйтесь, великая дела Христовы в земли нашей богомудро совершившии. Радуйтесь, Святии Отцы Церкви Христовой, словом и делом сиявши. Радуйтесь, столпи Божественныя Церкви и Православия непоколебимии. Радуйтесь, зверообразных мучителей ваших неустрашившиися. Радуйтесь, безчисленныя раны и поношения с терпением от них приявшии. Радуйтесь, яко души своя, не за други токмо, но и за враги своя положили есте. Радуйтесь, яко веру Христову в воздаяние мучителем своим даровали есте. **Радуйтесь, Священнии Отцы, за Христа кровь свою излиавшии.**

Кондак 3

Сила Вышняго осени вас, богомудрии святителие и мученицы Христовы, и благоплодное делание ваше во мраке идолослужения ходящим, яко село сладкое, озаренное Солнцем правды, показала есть, да вси хотящие на ниве, вами возделанной, жати спасение, радостно воспевают Богу, Спасителю нашему: **Аллилуиа.**

Икос 3

Имуще в душах и сердцах своих святую ревность о славе Божией, двоица от седмочисленных Святителей - Василий богомудрый и Ефрем славный - первее вкупе трудистася, возвещающе многобожником Единого Истинного Бога; таже Ефрем многоплодный иде с проповедию Евангелия ко скифам, жившим по Дунаю, идеже, многи обратив ко Христу, усечен бысть мечем. Василий же, царское священство, возвещая учение Христово херсонитом и обличая заблуждения неверных, возбудил противу себе гнев неверных, верных же научи воспевати таковая: Радуйтесь, неустрашимии воины Христовы, враги Божии победивши. Радуйтесь, яко в броню правды одеяшеся, пребысте непобедими. Радуйтесь, обувши нозе свои во благовествовании мира и вспять невозвратившиися. Радуйтесь, шлем спасения восприявшии и всех жаждущих спасения от него напоившии. Радуйтесь, глаголом Божиим, аки мечем духовным, плевелы лжи посекавшии. Радуйтесь, яко вещания ваша, богомудрии, не ошастася тщетными. Радуйтесь, святителие Божии - истиннии, душ своих за овцы словесныя не пощадившии. Радуйтесь, мученицы Божии, венцы нетленныя, уготованныя вам, приемшии. Радуйтесь, подвигом добрым подвизавшиися до скончания жителства вашего. Радуйтесь, и нам, грешным, образ подражания в себе явившии. Радуйтесь, обучающии нас последовати вашей вере, терпению и страданию. Радуйтесь, явившиися в земли нашей, да засвидетельствуете Божественную истину кровию вашею. **Радуйтесь, Священнии Отцы, за Христа кровь свою излиавшии.**

Кондак 4

Бурю ярости гнева воздвигоша на блаженного Василия жителя Херсонеса Таврическаго; претерпев же биения, мучения и изгнание из града их, святитель Божий водворися в пещере близ лежащей горы Парфенон, идеже радуяся, яко прият за Христа биения и раны, и, сетуя о мучителях, со слезами молися о обращении к Богу, да поют Ему: **Аллилуиа.**

Икос 4

Слышавше людие, изгнавшие просветителя своего из града, яко молитвами его воскресил есть Бог умершаго сына единого от них некоего знаменита, объяти быша ужасом и радостью, исповедаша Бога истинного и введоша святого Василия паки во град свой с великою честью, нас же научиша воспевати угодином Божиим похвалы сицевыя: Радуйтесь, в терпении мнозем стяжавшии души ваша. Радуйтесь, яко претерпевающе до конца, и сами спасостеся и послушающих вас введосте во спасение. Радуйтесь, правду, мир и радость о Дусе Святе стяжавшии. Радуйтесь, милосердием и любовью к ближним своим исполненнии. Радуйтесь, нищету духовную, терпение скорбей и лишений богато имевшии. Радуйтесь, яко незлобивии агнцы, Божественному Агнцу - Христу подражавшии. Радуйтесь, приемшии от Бога благодать скорби и болезни в радость претворяти. Радуйтесь, любовью вашею самых жестоких и зверонравных врагов в кротких агнцев обращавшии. Радуйтесь, плач пред Богом и умиление блаженное обретшии. Радуйтесь, кротостию и смирением Христу Спасителю уподобившиися. Радуйтесь, смирением своим высокая, нищетою же богатая явившии. Радуйтесь, дела ваша хриstopодражательная всем зрящим показавшии. **Радуйтесь, Священнии Отцы, за Христа кровь свою излиавшии.**

Кондак 5

Боготечной звезде яве уподобися богомудрый Василий, егда чудом воскрешения отрока озари град Херсонес и окрестная его, и тамо живших ко Христу приведе. Аще же по сем нечестивии, по наущению злых жидовин, извлекше его из дома, связаннаго влачиша по стогнам град, биша и мучиша: обаче святой, и под жестокими ударами их молися о них, и тако предаде душу свою Богу, с похвальною песнию: **Аллилуиа.**

Икос 5

Видяще мученическую кончину славнаго Ефрема и всехвальнаго Василия, пострадавших за проповедь Евангельскую в стране Тавроменийстей, святителие Христовы - Евгений божественный, Елпидий мудрый и Агафодор богомудрый, в опасении, да не разорится тамо дело святаго Василия злоумышлением жидовским, не убояшася из страны Геллеспонтския идти в землю нашу, продолжения ради благовестия Христова. Жителие Херсонеса с радостию прияша новых просветителей страны их, поучающе их с любовию взывати к ним: Радуйтесь, вернии слуги Христовы и искреннии друзи Божии. Радуйтесь, ревнителие Православия усерднии и идольскаго мракобесия искоренители премудрии. Радуйтесь, за истинную веру Христову живота своего не щадившии. Радуйтесь, любовию к Богу и ближним предивно воспламененнии. Радуйтесь, апостольское великое служение подвигами своими восполнявшии. Радуйтесь, стадо Христово, кровию Его искупленное, умножившии. Радуйтесь, радостно на смерть за Христово учение шедшии. Радуйтесь, бесовское гнездо безбоязненно силою Христова имени разорявшии. Радуйтесь, кумирницы демонския и мнимыя их чтителища нещадно сокрушавшии. Радуйтесь, самага исконнаго врага Божия и человеческого горце уязвлявшии. Радуйтесь, христиан правоверных сладостное утешение. Радуйтесь, ожесточенных гонителей веры Христовой грозное устрашение. **Радуйтесь, Священнии Отцы, за Христа кровь свою излиавшии.**

Кондак 6

Проповедницы богоноснии, подвигом добрым подвизавшиися, веру добре соблюдшии и течение свое добре скончавшии, за страдания вами мужественно претерпенныя, соблюдется вам от Подвигоположника нашего - Господа Иисуса Христа - венец правды. Темже усердно поучающася в ваших деяниих, с любовию поминаем вас - наставников наших, и тщащеся подражати вере вашей, смиренно вопием Богу: **Аллилуиа.**

Икос 6

Возсия свет веры Христовой в стране нашей, яко полудне, егда пяточисленнии святителие наши души своя положиша за свидетельство в ней истины Евангельския, возсия нам и новый светильник Божий от Сиона - Еферий священнейший, егда воцарися великий Константин, покровительством христианству стяжавый себе имя равноапостольнаго. Видевше же людие, яко новый святитель бе равночестен предним, пред ним возопиша к ним: Радуйтесь, святители Божии, Апостолом единоправнии. Радуйтесь, отцы наши богомудрии. Радуйтесь, учителяе Церкви всечестнии. Радуйтесь, вселенским учителем сопредстольнии. Радуйтесь, священномученицы преславнии. Радуйтесь, пастырие наши предобрии. Радуйтесь, милосерднии наши просветители. Радуйтесь, любвеобильнии наши наставницы. Радуйтесь, изгнание правды ради претерпевшии. Радуйтесь, раны, муки и болезни за спасение наше на себе понесшии. Радуйтесь, неверие и суеверие наше победившии. Радуйтесь, адскую силу и мрак греховный от нас отгнавшии. **Радуйтесь, Священнии Отцы, за Христа кровь свою излиавшии.**

Кондак 7

Хотя мирно пасти овцы Церкви Херсонския и право правити в ней слово истины, святой Ефений двукратно хоужаше в Царьград к царю Константину: первое испросити помощи на разорение твердыням языческим и заступление христиан от гонения, второе же - благодарити царя за явленный покров к устроению паствы херсонския. Егда же возвращашеся от Царьграда к пастве своей, разболеся к смерти, приста к малому острову Алосу, идеже и предаде святую душу свою в руке Божии, с песнию: **Аллилуиа.**

Икос 7

Новаго святителя дарова Церковь Восточная Церкви Херсонстей - Капитона всеславнаго, егоже великою радостию прияша неточию людие правовернии, но и невернии; наипаче же, егда пред всеми сотвори чудо велие, невредимо пребыв во огни и на ризе своей изнес из пламени углие горящее, но не сожигающее. Известившеся о сем чудеси, царь и святии отцы Перваго Собора Вселенскаго прославиша Бога и великое дарование епископа Капитона, людие же, видевшии его, возопиша к своим святителем: Радуйтесь, велиции наши и преславнии чудотворцы. Радуйтесь, имущии веру, ничимже непоколебиму. Радуйтесь, дерзновенным исповеданием веры Христовой всех удивившии. Радуйтесь, мужественным страданием за веру Христову всех неверных посрамившии. Радуйтесь, догматы веры православныя уяснившии. Радуйтесь, правило веры и образ кротости стаду вашему показавшии. Радуйтесь, отцы наши всечестнии и лице богокрасный. Радуйтесь, слово спасения нам возвестившии. Радуйтесь, на путь правый всех нас наставившии. Радуйтесь, к любви горней души наша уязвившии. Радуйтесь, яко вами направляемии, получаем от Христа Бога велию милость. Радуйтесь, яко вами покрываемии в вечныя кровы вводимся. **Радуйтесь, Священнии Отцы, за Христа кровь свою излившии.**

Кондак 8

Странно бе видети, егда корабль, на немже Капитон святой идяше по нуждам Церкви своей в Царьград, от Херсонеса Таврическаго, схвачен быше бурей велиею и принесен ко устьям Днепра - к нынешнему Херсону, идеже невернии людие корабль разграбивше, всех бывших на нем умертвиша, а епископа в водах утопиша, вернии же со слезами и рыданием Богу вопияху: **Аллилуиа.**

Икос 8

Вси вы, святителие Христовы, ныне в вышних пребываете, но и нас, низших, не оставляете вашими молитвами и предстательством у Царя славы и Господа Бога нашего. Сего ради, недоумеюще благохвалити вас по достоянию, со умилением сердца, из глубины души, взываем к вам: Радуйтесь, вере правой нас научающии. Радуйтесь, надежду известную нам подавающии. Радуйтесь, любовь неллицемерную в нас воспламеняющии. Радуйтесь, кротость и смирение в себе нам показующии. Радуйтесь, терпением и мужеством души наша украшающии. Радуйтесь, нас, алчущих и жаждущих правды, насыщающии. Радуйтесь, сердца наша благодатию Божиею, вам данною, очищающии. Радуйтесь, очи наши духовныя к зрению Бога изощряющии. Радуйтесь, вражды и ссоры наша умиротворяющии. Радуйтесь, всякий мрак заблуждения от нас прогоняющии. Радуйтесь, к терпению бед, лишений и скорбей нас воодушевляющии. Радуйтесь, в пренесении испытаний и гонений нас укрепляющии. **Радуйтесь, Священнии Отцы, за Христа кровь свою излившии.**

Кондак 9

Вси лица Ангельстии, зряще подвиги ваша, святии священномученицы, по вере Христовой подъятыя, радостию велиюю радовахуся, вы же по страданию своем на земли, вошедше в славу Божию на небеси, и сами исполнилися есте радостию неизглаголанною. Темже, водворившеся в Небесных обителях, вкупе со Архангелы и Ангелы, присно воспеваете Богу: **Аллилуиа.**

Икос 9

Витии многовещаннии, аще бы и мнози языки имели и глаголати восхотели, не возмогут исчести ваших трудов и воздыханий, скорбей и лишений, гонений и страданий, яже имели есте, учаще и проповедующе, настояще благовременне и безвременне, умоляюще и запрещающе, обличающе и увещающе люди непокоривыя, за добро злом воздающия. Мы же, дивящеся подвигом вашим, умиленно взываем к вам: Радуйтеся, трудами вашими нас, ленивых, к доброделанию возбуждающии. Радуйтеся, воздыханиями вашими нас, унылых, к молитве окрыляющии. Радуйтеся, скорбями вашими нас, малодушных, в пренесении скорбей утверждающии. Радуйтеся, гонениями, вами претерпенными, нас, слабых, укрепляющии. Радуйтеся, лишениями вашими нас, нетерпеливых, к воздержанию подвизающии. Радуйтеся, страданиями вашими нас, боязливых, ободряющии. Радуйтеся, учением и проповедию вашею нас, темных, просвещающии. Радуйтеся, наставлением вашим благовременным и безвременным нас, нерадивых, ко стыду приводящии. Радуйтеся, умолением вашим по Христе нас, беспечных, безответными творящии. Радуйтеся, прещением вашим нас, безстрашных, устрашающии. Радуйтеся, обличением вашим нас, непослушных, посрамляющии. Радуйтеся, увещанием вашим нас, противляющихся, к Богу приводящии. **Радуйтеся, Священнии Отцы, за Христа кровь свою излиавшии.**

Кондак 10

Спасти хотяй страну нашу, иже всем хотящий спастися и в разум истины прийти, всемилостивый Господь и Бог наш, избра и посла вас к нам, святителие Христовы, да ясно укажете всем zde живущим и хотящим спастися пути спасения, и всех научите пети Богу: **Аллилуиа.**

Икос 10

Стена крепка и непоколебима есте, угодницы Божии, нам, влающимся и обуреваемым в мори житейстем, да выну зря море сие, воздвигаемое напастей бурею, к тихому пристанищу, ходатайству и заступлению вашему, грешнии, прибегаем и из глубины души с любовию вопием к вам: Радуйтеся, поборницы веры Христовой непоколебимии. Радуйтеся, покровители наши, некрыющися от нашего притекания. Радуйтеся, светильницы, во тьме греховней нам, блудящим, светящии. Радуйтеся, кормчи святии, по водам плавающих управляющии. Радуйтеся, от потопления в водах зельных нас спасающии. Радуйтеся, ко пристани благонадежной всегда нас приводящии. Радуйтеся, обуреваемых и бедствующих в мори надеждою обвеселяющии. Радуйтеся, в плавании страждущих морскою болезнию оздравляющии. Радуйтеся, сланое море страстей наших иссушающии. Радуйтеся, гнездящися в нас гади малии и велицыи убивающии. Радуйтеся, от грехопадений наших, имже несть числа, избавляющии. Радуйтеся, миром и любовию к добру души наша снабдевающии. **Радуйтеся, Священнии Отцы, за Христа кровь свою излиавшии.**

Кондак 11

Пение всеумиленное приносим вам, святителие Христовы, с небесе на мольбы наша благосердно призирающии, всем нам, усердно вас призывающим, помогающим, и всех почитающих вы по достойно спасающии. Темже молим вас - великих и усердных благопоспешников - научите нас, немощных, воспевати присно Богу: **Аллилуиа.**

Икос 11

Светильницы Божии, благодатию Святаго Духа возженнии, не под спудом и одром положеннии, но на свещнице небесном поставленнии, и так присно пред престолом Божиим горящии, всему же миру и нам, грешным, на земли сущим, светящии, да видяще добрая дела ваша, прославляем прославльшаго вас Господа славы, и к вам от всего сердца вопием: Радуйтесь, светом вашим нашу тьму греховную разгоняющии. Радуйтесь, теплотою любви вашей наша хладная сердца согревающии. Радуйтесь, облаком благодати Божией, данная вам, от зноя житейского нас покрывающии. Радуйтесь, палимыя зноем страстей души наша прохлаждающии. Радуйтесь, молитвами вашими на нивы наша дожди благовременныя посылающии. Радуйтесь, вся насаждения наша, во утешение и наслаждение наше, орошающии. Радуйтесь, плодами земными, веселящими нас, души наша оплодотворяющии. Радуйтесь, зверей и птиц, вреждающих полям и вертоградом нашим, отгоняющии. Радуйтесь, трудолюбивых земледельцев плодами земными награждающии. Радуйтесь, трудящихся во спасение дарами небесными исполняющии. Радуйтесь, в поте лица хлеб свой снедающих тайно увеселяющии. Радуйтесь, аще ядущих, аще пьющих, аще ли ино что творящих во славу Божию всех явно утешающии. **Радуйтесь, Священнии Отцы, за Христа кровь свою изливавши.**

Кондак 12

Благодать от Бога данная вам, угодницы Божии и страсотерпцы Христовы, веруем, яко неистощима есть и николиже иждиваема. Сего ради, с несумненною надеждою к вам, яко приснотекущим и независтным источником, притекаем, почерпающе же от вас воду живую, утоляющую нашу жажду духовную, вся наша нечистоты омывающую и наши горести житейския услаждающую, Богу, спасающему нас вами, с любовью вопием: **Аллилуиа.**

Икос 12

Поюще ваши подвиги и страдания, блаженную кончину и водворение со святыми в небесных обителях, восхваляем ваша добрая дела, имиже угодили есте Господу Богу, имже и нас научите, молимся, да прославляем Отца нашего Небеснаго купно с вами, да видят доброе житие наше заблуждающиися братья наши, от нас изшедшии, но не бывшии от нас, и вразумляются, яко ходим во свете, они же в обольстительной лжи пребывают, да негли купно с нами возопиют когда к вам: Радуйтесь, за Христа на земли страдавшии и со Христом на небеси царствующии. Радуйтесь, с высоты небесныя милостивно на нас, недостойных, призирающии. Радуйтесь, похвалы наша, аще и недостойнии вас, благосердно приемлющии. Радуйтесь, молитвам нашим, аще и немощным, с любовью внемлющии. Радуйтесь, от всея души и сердца возносимая к вам прошения наша исполняющии. Радуйтесь, во всех нуждах, бедах и обстояниих нам помогающии. Радуйтесь, безвестная и тайная премудрости Божия нам открывающии. Радуйтесь, благия мысли и чувства в недоумении нам сущим внушающии. Радуйтесь, святыя желания и намерения ко спасению нашему в сердца нам влагающии. Радуйтесь, добрыми плодами веры, надежды и любви души наша исполняющии. Радуйтесь, в час кончины вас на помощь призывающим предстательствующии. Радуйтесь, по кончине нашей, с любовью души наша в свое общение пред Богом приемлющии. **Радуйтесь, Священнии Отцы, за Христа кровь свою изливавши.**

Кондак 13

О, всеблаженнии угодницы Божии, святителие Христовы и страстотерпцы Василие, Ефреме, Евгение, Елпидие, Агафодоре, Еферие и Капитоне, услышите моления наша и благохваления, к вам возносимыя, призрите на вся наша нужды - душевныя и телесныя, помогите нам, странствующим в мори житейстем и далече отстоящим от вас, возвышайте наша мысли, чувства, желания и намерения от земнаго к небесному, да безбедно прешедше сланое страстей море и минуше без боязни тени смертныя, преселимся радостно во страну живых, идеже представше пред лице Бога вечнаго, выну поем с вами: **Аллилуиа.**

(Этот кондак читается трижды, затем икос 1 и кондак 1)

Молитва

О, преславнии священномученицы, Василие, Ефреме, Капитоне, Евгение, Еферие, Елпидие и Агафодоре, к вам яко чада ко отцем, светом учений ваших просвещеннии и в вере Христовей наставленнии, ныне усердно прибегаем и в сокрушении сердец наших молимся, аще бо и завет ваших, яко чада непокоривая не соблюдохом, и о угождении Богу якоже учисте, небрегохом, и от единомыслия и любве, юже добре завещасте, отпадохом. Обаче, якоже древле в житии вашем неблагодарных и недостойных не отвращасте тщи, но благим за злая воздавасте, тако и ныне грешных недостойных чад ваших молитвы не отвратисте, но яко велие имущии дерзновение ко Господу, прилежно Того молитве, да наставит и обратит нас на путь спасения, распри же и раздоры, посреде единовѣрных братий возникающая, да умирит, отпадшия паки во единомыслие приведет и всех нас соединением Духа и любве во Единой Святей Соборней и Апостольстей Церкви соединит. Вемы бо, вемы, яко много может молитва праведника ко благосердию Владыки, аще и о грешных людех приносима бывает. Не оставите убо нас унылых и недостойных чад ваших. Дадите нам, молитвами вашими, о православии ревность, да ею возгреваемы, отеческая предания добре сохраним, уставы и обычаи церковныя верно соблюдати потщимся, всяких лжеучений странных отбежим, и тако в житии богоугоднем на земли преуспевающе, жизни райския на небеси сподобимся, и тако с вами вкупе Владыку всех, в Троице Единаго Бога, прославим во веки веков. Аминь.

Тропарь, глас 4

Препрославлен еси, Христе Боже наш, светила на земли нашей седмь священномучеников показавый, и тех ученьми и кровью Церковь Херсонскую насадивый, Человеколюбче, слава Тебе.

Кондак, глас 2

Светоносный день наста пастырей, епископствовавших светло в Херсоне, ихже воспеваем праздник, пострадавших за Христовы овцы. Священномученицы, молитве Пастыреначальника Христа, и нас причести деснаго овец стояния, да вопием вам: Радуйтесь, Священнии Отцы, за Христа кровь свою излиавшии.

СВЯЩЕННОМУЧЕНИКИ АГАФОДОР, ВАСИЛИЙ, ЕФРЕМ, ЕВГЕНИЙ, ЕЛПИДИЙ, ЕФЕРИЙ И КАПИТОН ХЕРСОНЕССКИЕ

День памяти: 20 марта (н.ст.)

Святые священномученики епископы Херсонесские Ефрем, Василий, Евгений, Елпидий, Агафодор, Еферий и Капитон в разное время были епископами в Херсонесе Таврическом.

Они благовествовали Христа и запечатлели свою проповедь мученической смертью в городе, из которого впоследствии воссиял для Руси свет истинной веры: святой равноапостольный князь Владимир, крестивший киевлян в 988 году, сам принял Святое Крещение в 987 году в Херсонесе.

Начало просвещения Тавриды верою Христовой положено святым апостолом Андреем Первозванным († 62 г.; память 30 ноября/13 декабря). Дальнейшему распространению христианства здесь способствовали, помимо своей воли, сами же его враги: римские императоры ссылали сюда государственных преступников, которыми в первые три века христианства считались и исповедники Христа. Так, в правление Траяна (98-117 гг.) был сослан на заточение в Инкерманские каменоломни святой Климент, епископ Римский († 101 г., память 25 ноября/8 декабря). Здесь продолжал он свою проповедь, здесь принял и мученическую кончину.

Населявшие крымские земли язычники упорно сопротивлялись распространению христианства. Но вера Христова через своих самоотверженных проповедников крепла и утверждалась. Многие благовестники положили свои жизни в этой борьбе.

В начале IV века в Херсонесе была учреждена епископская кафедра. Это была переломная эпоха, когда Херсонес, служивший базой для римских воинов, постепенно переходил в зависимость от Византии. В царствование Диоклетиана (284-305), в 300 году (то есть еще до начала гонения, которое император начал с 303 года) Иерусалимский патриарх Ермон (303-313 гг.) для евангельской проповеди разослал в разные страны многих епископов.

Двое из них, Ефрем и Василий, прибыли в Херсонес и насаждали здесь слово Божие. Затем святитель Ефрем пошел к народам, жившим по Дунаю, где в благовестии Христовом претерпел много скорбей и трудов. Во время начавшегося гонения он был обезглавлен (точно известен лишь день его кончины - 7 марта). Проповедь в Херсонесе продолжал святой Василий - сподвижник святого Ефрема. Многих идолопоклонников он наставил на путь истины. Другие заблудшие жители города, ожесточенные его деятельностью, оказывали яростное сопротивление: святой исповедник был схвачен, нещадно избит и изгнан из города.

Удалившись в горы и поселившись в пещере, он непрестанно молил Бога за изгнавших его, чтобы Он озарил их светом истинного Боговедения. И Господь послал неверным чудо. У знатного жителя Херсонеса умер единственный сын. Покойный явился родителям во сне и поведал, что некто святой Василий своими молитвами к Истинному Богу может воскресить его из мертвых. Когда родители разыскали святителя и просили его совершить чудо, святой Василий отвечал, что сам он - грешный человек и не имеет сил воскрешать мертвых, но Господь Всемогущ и может исполнить их просьбу, если они уверуют в Него. Долго молился святой, призывая Имя Святой Троицы. Затем, освятив воду, возлил ее на умершего, и тот ожил. С почетом был возвращен в город святитель, многие уверовали и крестились.

Вскоре, по повелению императора Максимилиана Галерия (305-311), гонение на христиан разразилось с новой силой. Христоненавистники вооружились и против Василия: 7 марта 309 года они ночью ворвались в его дом, связали его, поволокли по улицам и забили до смерти камнями и палками. Тело святителя было брошено за городом на съедение псам и птицам и много дней лежало без погребения, но осталось нетронутым. Потом христиане тайно похоронили в пещере святое тело мученика.

Через год узнав о мученической кончине святителя Василия, три его сподвижника - епископы Евгений, Елпидий и Агафодор, оставив проповедь в Геллеспонтской стране, прибыли в Херсонес продолжить его святое дело. Они положили много трудов для спасения человеческих

душ. Все три епископа разделили участь своего предшественника - беснующиеся язычники также побили их камнями 7 марта 311 г.

По прошествии нескольких лет, уже в царствование святого равноапостольного Константина Великого (306-337 г., память 21 мая/3 июня) из Иерусалима в Херсонес прибыл епископ Еферий. Сначала он тоже встретил противодействие со стороны язычников, но святой император, объявивший свободу христианской веры во всей империи, не допустил насильственных действий против проповедника: он издал указ, по которому херсонесским христианам беспрепятственно разрешалось совершать богослужения. Стараниями святителя Еферия в городе был построен храм, где святой мирно правил своей паствой.

Чтобы отблагодарить императора за покровительство христианам, святитель Еферий ездил в Константинополь. На обратном пути он заболел и скончался на острове Алосе (в Греции) 7 марта.

На место святителя Еферия святой император Константин прислал в Херсонес епископа Капитона. Христиане встретили его с радостью, но язычники потребовали от нового епископа знамения, чтобы уверовать в Бога, Которого он проповедует. Возложив всю надежду на Господа, святой Капитон в святительском облачении вошел в разведенный костер, долго молился в огне и вышел из него невредимым, набрав в свою фелонь горячих угольев. Тогда множество неверующих убедились в силе Бога христианского.

Об этом чуде и о великой вере святого Капитона было возведено святому Константину и святым отцам на Первом Вселенском Соборе в Никее (325 г.).

Через несколько лет святитель Капитон по делам направился в Константинополь, но корабль бурей прибило в устье Днепра. Местные жители (язычники), захватив корабль, утопили всех бывших на нем, в том числе и святого Капитона. Это произошло 21 декабря. Память святого епископа Церковь установила отмечать с прочими херсонесскими священномучениками 7 марта.

Проповедь священномучеников укрепила веру Христову в Херсонесе. С начала V века этот город становится духовным центром, откуда христианство распространяется на север в сторону Руси. С IX века Херсонес все более привлекает внимание русских, начавших селиться в городе. Современные археологические раскопки показали, что в городе находилось более пятидесяти храмов, относящихся к V-XIV векам.

В 987 г. в Херсонесе принял крещение святой равноапостольный князь Владимир († 1015 г., память 15/28 июля). Этот древний город явился колыбелью христианства для Руси.

Настоящий акафист составлен преосвященным Димитрием в первое управление Херсонской епархией. В честь сих священномучеников есть придел в Херсонском Свято-Духовском кафедральном соборе. В 1851 г. по указанию Преосвященного Иннокентия (Борисова) Херсонскую Консисторию сделано распоряжение о повсеместном в Херсонской епархии праздновании дня памяти (7 марта) Херсонских священномучеников по примеру дней праздничных именно, чтобы накануне отправляемо было всеобщее бдение, а самый день - Литургия по уставу о храмовых главах.